

中國方志叢書·華中地方·第二六四號

據

清·道光五年刊本  
清·賴勳修，黃錫光纂

影印

江 西 省

# 定南廳志

成文出版社有限公司印行

5465/64



20219



\*10097064\*

中國方志叢書·華中地方·第二六四號

據


清·賴勳修，黃錫光纂  
道光五年刊本

影印

江 西 省

# 定南廳志

成文出版社有限公司印行



\*10097063\*

中國方志叢書·華中地方·第二六四號

據

清·道光五年刊本  
清·賴勳修，黃錫光纂

影印

江 西 省

# 定南廳志

成文出版社有限公司印行



\*10097062\*

221

中華民國六十四年 月壹一版

# 定南廳志

全三冊

發行人：黃

成

助

出版者：成文出版社有限公司

台北市郵政信箱二二六〇五號  
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

道光五年重修

禮部

板藏禮科

續修定南廳志序

定南處萬山之中奸人嘯聚寇盜充斥蓋  
爲龍南信豐安遠邊徼之區明隆慶三年  
議析三縣形勢聯絡而建縣治扼江廣之  
要前人所慮至深且遠而其地之難治可  
想而知歷百餘年至我

朝聲教覃敷無遠弗届屢經賢宰撫綏安集

乃成一治乾隆三十八年改縣爲廳移縣  
州府同知駐定南以資彈壓其慮益周官  
斯土者權愈尊責彌重也雖然治成矣將  
必有政事人物風俗土宜之當志然而定  
志則有難於他州縣者間攷前明奸寇潛  
伏非盡土著之民也而脅從鴟義漸於泯  
焚忠孝節義蕩然無聞則人物風俗之難

言也况乎聚三縣邊民剛柔強弱貞淫奢  
儉風土人情未必一致土俗蕪雜政亦紛  
繁而欲合而爲志尤恐散而無律嘉慶二  
十一年余莅治定南閱舊志劄於前明萬  
歷章公瑩體例事蹟具其大凡入

本朝凡三修屢增而加詳余固知數百年來  
良有司休養生息涵濡沐浴戶誦詩書人

敦禮樂萃三邊之性情好尚而爲一廳之  
風氣得列爲贛郡良屬蓋已久矣余甫下  
車綱紀麤定念自乾隆四十四年修輯後  
迄今將五十稔其間宜增纂者又不勝屈  
指方欲召集地方紳士而爲是舉旋奉委  
攝寧都州篆嗣是兩督糧艘三同考官公  
事羈延數年遂不果道光元年護理廳事

諸公吉祥倡修未竟三年丁公春林踵其  
事至四年署廳宋公思濂接修至五年而  
志成余適重攝寧都州事定紳士以志成  
來請序於余竊思余未親是役而耿耿不  
忘之志乃藉數君子之力於茲一慰閣是  
書體裁悉備綱舉目張固又不僅數君之  
力而諸紳士分纂之功爲不可沒後之官

斯土者觀之應瞭如指掌而準人情宜土  
俗以爲治行見風氣蒸蒸日上固非如前  
日之定南弁大異今日之定南是又余所  
拭目以俟者

道光五年乙酉季冬月

賜進士第翰林院庶吉士知定南廳同知事

賴勳



重修定南廳志序

邑乘一書雖祇紀一邑之事而其為法實與經史並重凡事莫不有法彊次今而四時以定山川莫而疏鑿以施仰觀俯察天地之大法存焉而法於出治為

尤亟是故六經者百世不易之  
規而諸史者百王大備之則也  
雖然七政莫詳于虞按羲和之  
命以推今之中星則差矣四瀆  
大定於夏按禹貢之跡以求今  
之河道則荒矣法制莫備于成

周以周公之封建井田治後之天下則紛矣史書去今最近事變略同然據一代之史以為州縣之治其不合者多矣况乎省與郡異郡與邑殊即同此一邑而前後緩急猶不能一其施古

人知其然故舉一朝之典章制  
度政令紀綱著之于史以要其  
大又必舉一邑之興廢沿革民  
風物宜作而為志以職其詳執  
州縣之故事而不本經史之法  
其政或廢而不醇執經史之法

而不諳州縣之宜其治亦拘而  
鮮當惟用古人之意以合乎時  
與地之宜夫而後政行而民便  
吾故曰邑乘之為法其重與經  
史並也定南雖陞為廳官階不  
同民事則一廳志固無殊邑志

也道光二年奉

旨憲批定纂修江西通志於是  
定高廳志亦于例應修定之有  
志由來舊矣勝國之季創建伊  
始簡略頗甚入  
本朝風氣日開文明漸啓一再修